

**Канон Креста. Творение кир Космы. [Егоже краестрочие: Кресту надевша пение отрываю.] Ирмосы по дважды: тропари же на 12, глас 8.**

**Песнь 1.**

**Ирмос:** Крест начертáв Моисей, / впрямó жезлом Чермнóе пресечé, / Изра́илю пешеходя́щу, / тоже обратнó фараоновым колесни́цам / удáрив совокупí, / вопреки написав непобедимое ору́жие. // Тем Христу поим Богу нашему, я́ко прослáвился.

**Катавасиа, оба лика вкупе: Крест начертáв Моисей:**

**Песнь 3.**

**Ирмос:** Жезл во образ та́йны приёмлется, / прозябением бо предразсуждаёт священника: / неплодящей же прежде Цёркви, / ныне процвете дрéво Крестá, // в держáву и утверждéние.

**Песнь 4.**

**Ирмос:** Услы́шах, Гóсподи, / смотра́ния Твоего та́инство, / разумéх дела́ Твоя́ // и прослáвих Твоё Божество́.

**Песнь 5.**

**Ирмос:** О трéблажéнное Дрéво, / на немже распяся Христос, Цáрь и Госпóдь, / Имже паде дрéвом прельстíвый: / тобою прельстíвися, / Богу пригвоздívшуся плóтию, // подающему мíр душáм нашим.

**Песнь 6.**

**Ирмос:** Воднаго зверя во утрóбе, / длани Иона крестовíдно распростёр, / спасительную страсть прообража́ше я́ве. / Тем триднёвен изше́д, / премирное воскресение прописáше, / плóтию пригвожденнаго Христа Бóга, // и тридневным воскресением мíр просвещáшаго.

**Кондак, глас 4. Подобен:**

**Вознесыйся на Крест во́лею, / тезоименíтому Твоему новому жíтельству, / щедроты Твоя даруй Христе Бóже, / возвеселí силою Твоею верныя лю́ди Твоя́, / победы дая им на сопостáты, / посóбие имущим Твое, оружие мíра, // непобедимую победу.**

**Песнь 7.**

44

**Ирмос:** Безумное веление/ мучителя злочестиваго лю́ди поколебá,/ дышущее прещение и злохуление богомёрзкое:/ обаче три отроки не устраши ярость звёрская,/ ни о́гнь снадáяй,/ но противодышущу росоносному Дúху,/ со огнем суще поя́ху:// препетый отцев и нас Бóже, благословéн еси́.

### Песнь 8.

**Ирмос:** Благословите, óтроцы,/ Троицы равночísленнии,/ содетеля Отца Бóга,/ пойте снизшедшее Сло́во,/ и огонь в рóсу претвóршее,/ и превозносите всем жизнь пода́вающего,// Духа Всесвята́го, во вéки.

**На 9-й песни, Честнейшую: не поем, но поем припевы праздника. Диакон, аще ли несть, иерей пред Царскими вратами или пред престолом возглашает:**

1. **Велича́й душе́ моя́/ пречестный́ Крест Господень.**

**Лик ирмос 1-го канона:** Таин еси Богородице рай: **И** другой лик, припев и ирмос. **И к прочим 6 стихам тойже припев поем.**

### Песнь 9.

**Ирмос:** Таин еси, Богорóдице, ра́й,/ невозделанно возрасти́вший Христа́,/ Имже Крестное живоносное на земли насадися дре́во,/ тем ныне возно́симу// поклоняющесе́ ему Тя́ велича́ем.

### Другий припев:

2. **Велича́й душе́ моя́/ животворя́щаго Креста Господня воздв́ижение. И ирмос:** Снедию древа: **И** другой лик подобне, припев и ирмос: тропари же 6 с симже припевом.

### Ин.

**Ирмос:** Снедию древа роду прибывшая смерть, Крестом упразднися днесь: ибо праматерняя всеродная клятва разрушися, прозябением Чистыя Богоматере, Юже вся силы небесныя величают.

**Катавасиа:** Таин еси Богородице рай: **Другий:** Снедию древа: **С** припевы. **И поклон.**